


民俗、民間文學影印資料之四十四

水經註異聞錄

任松如編



任松如編

上海文藝出版社

水經註異聞錄

本书作者以魏郦道元《水经注》为基础，采撷了大量秦汉之际我国各州邑山川海河、平原阡陌、城镇村落、植物稼穡、民情风俗、灾祥灵异等历史地理记载，同时又汲取了众多史籍方志中的材料，或约其事，或摘其文，旁征博引，发潜阐幽，内容浩博繁杂，兼及古代神话、风土传说、人物轶事、仙道奇闻、军事政治纪实、历史遗址典故等等，对古代山水地理、名胜风物等的记述尤为详尽，可为历史地理、古史风俗等研究领域提供许多可靠而重要的文献资料。

现据上海启智书局 1935 年版影印。

水 经 注 异 闻 录

(影印本 1991年5月)

上海文艺出版社出版、发行

新华书店经销

上海市印刷七厂印刷

ISBN 7-5331-0820-1/K·49

登记证号：(沪)103 定价：5.50 元

民俗、民間文學影印資料之四十四



敘

余家先世，處萬山中。曾祖府君，亦耆典籍。蒐采所獲，小有度置。雖鮮佳槧，竝多新刻。外至釋老，以及逸譯。購之不可，僮手借鈔。諷誦有會，見之行事。意氣所漸，獷俗於變。太平天國，一炬泯焉。吁嗟悼矣！海宇載奠，室廬用葺。指繁禮劇，物力匱乏。而塾教不輟，羅致名宿。研尋所及，爰至百氏。插架之多，簿帙所記。以視舊觀，百未有一。蓋思復故物，戛乎難哉！王父府君，氣稟清曠。云有異書，亟用瀏覽。不求甚解，自爲怡悅。年近九十，日不釋卷。先伯雨亭，風標高逸。不與世鶩，坐對古人。居書城中，迄乎沒齒。仲伯贅叟，安貧懷道。日不舉火，聲出金石。年八十餘，矍鑠未艾。詩思風發，隨自寫定，不假他人。測其視息，庶幾伏勝。逮予小子，言之惻愴。粵在襁褓，幾死者數。垂髫之歲，先君子棄養。先孺人羅，茹荼飲蘖，督兒績學。日出就傳，受業伯氏。退有所聞，色然以喜。入侍王父，語以故實，輒

爲解頤。及見孺人，砧聲燈影諸子環讀。至於夜分。或有憊困，時作清談，用祛暮氣。長兄堃如，同止私室。寢興先後，與諸弟俱。日邁月征，飮聆珍異。課業之外，凡所耳食，不解所由；但欣欣耳。維時諸父兄弟，異財別戶。青緡黃卷，寔散佚矣。斷縑零素；存者僅耳。小子不幸，在衰經中，大疫洊饑，煎迫累歲。救死不贍，寧復購書。成童以後，就學四國。師友所藏，公私所蓄，時從借讀，書抑夥矣。而功令所課，科目累矣。神識疲矣。省覽之日，蓋亦微矣。洎嬰塵網，彌用矻矻。世勢國變，形神摧剝。唇龜舌胝，筋弛髓涸。生事疏闊，禮目脫略。幾歷廿年，學殖落止。蚤日記誦，銷蝕亡有。以云新獲，蔑焉泯如。論其體貌，木雞芻狗。靈光點談，直肉走也。彼蒼不弔，孺人見背。憂重身危，蹉跎終歲。銜恤靡至，生不擬死。縮衣樽食，爲買書計。歸依先人，逃于荒谷。敗韋壞楮，但從所好。玄黃易色，良願不遂。流轉兵間，草檄自活。東趨江浦。西盡湖湘。盾露角聲，塵勞况瘁，矧在軍旅，匪其諧習。勢繫形格，不得不爾。一稔未周，毅然捨去。言來海上，兀自年年。類爲傭隸，雜乎婦

豎。涼涼踴躍，罕與世接。弱湍文魴。閒石鳴鷗。仰視浮雲。俛玩淪漪。邪脚賣餅。相如鬻文。聊延喘息，詎云市隱。牙籤雖富，吾不欲觀。魚鳥下土，疇知所屆。縱浪大化，亦俟盡耳。中夜慨嘆，追思疇曩。自識字來，頗好輿覽。山經穆傳，禹貢班志及于外紀，靡不沉湎。爰逮壯歲，愛集鄙亭。述其所緣，可得言焉。舜夙囚堯，有城尙在。唐虞揖讓，可爲疑議。飛廉事紂，霍太致命。受臣離德，書難盡信。史遷傳老。不知所終。莊云聃死，大陵巍巍，胡公桐棺，書同今體。隸自出古，非始于秦。凡此筆筆，咸關鉅世。自有經籍，代罹竄斂，諸臣虐后，作古自飾。文妖僻學，改書爲點，今之所存，廣鼎衆矣。中尉注中，雖在碎金，殊爲金寶。苟加扶檢，是正舊策；其識偉矣。匪甯是也。道元辦事，旁徵互證。弗斷以臆，疑者蓋闕。所稽古事，亦符今法。至其綴文，自開體制。鏤章繡句，效睡風雅，六朝文士，終當避席。尤有進者：善長好學，洽聞博覽。皮書貝葉。危巖破石。耳目所涉。輪蹄所過。隻文疇語，驅之錄尾；蔚爲異製，良有以也。故其所著，佗書未覩。庾詞隱說。夷歌俚唱。多所未解，藉新吟詠。河精山鬼。木

蛇石擊。在所疏遠，亦益神識，台榭宮闕，工作瓌巧。石文壁繡，丹墨迷眩。往代人物，微能淺善。發潛闢幽，立懦敦薄。雖志職方，並苞百物。較言文行遠，其信然矣。洸函秘冊，賴以存焉。鄺書出後，名不甚著。李唐撰史，錄於隋志。君卿詆之；吉甫刪之；傳習者少，訛脫滋夥。趙宋藏本卷帙亡失，蘇王所引今本又佚。南北鑄行，益爲歧誤。金源蔡氏，雖撰補正，無與原書。既歷朱明，漸有好者。朱箋楊刻，頗精進矣。緊之大典，分條排隸，抑亦遜焉。遜清之世，其業大顯。四庫開館，詳爲參校。中秘著錄，復用流布。戴氏別刻，自翊翔博。陽自官書，陰竄大典。鄞江全氏，世攻其學。望浦七校，衆槩莘矣。趙氏一清，朱箋刊誤。與全竝行，東原稍紉。自是厥後，覃研者流，滋益富矣。長沙王氏，號爲好古。合校諸本，釐爲名版。宜都楊氏，詮疏鄺注。廣陽之志，至是逮矣。二書踵出，桑經鄺注，無遺類矣。余於近歲，求之寤寐。干弋間阻，未獲我心。戾止滬涯，夷猶芒忽。幽憂之疾，兼迫漏寺。悲兄勞瘁，遠哭兒女。枯木燼灰，人間無意。願從姚氏，假得王刻。拱玩移日，以自解遣。心所謂佳，筆諸便牒。

。信手採擷，不施裁制。少數十字，修或百言。所題篇目，以意爲之。或約其事；或摘其文。首尾互見。牛驥同皂。但取率易，弗復析別。名物咏嘆，塗以誌記；俾省思索，且爽目眇。始於戊辰；訖於庚午。日月逝往，忽成部帙。卷紙既繁；適分上下。置之左右，昕夕自適。旣而思之，鄙亭奧博，覓絕今古。其所述作，洵爲奇構。辭華史實，取給宏富。以牘故籍；以織新編。可充談助。可裨智海。開卷有益，不其然乎！演爲童話；譯成異語。珠英玉屑；亦一趣也。振孫景龍，橫加排許。淺學蹶生，何足道哉！嗚呼！噫嘻！逝者已矣。搔首踟躕；眷念昔者。東西南北，粗經眺覽。荒江邃谷，但訪古老。鞅掌偃息；惟細舊藉。非與時忤，或繇性習，世途佗條，以書自娛。此在曩哲，仰爲常軌。藐予小子，無然歆羨。引遐搜僻，視踏覆甌。世有君子，與我同好；所不隱也。

水經注異聞錄跋

魏收魏書酷吏列傳酈道元傳

酈道元字善長范陽人也。青州刺史範之子。太和中，爲尙書主客郎。御史中尉李彪以道元秉法清勤，引爲治書侍御史。累遷輔國將軍東荊州刺史。威猛爲治。蠻民詣闕，訟其刻峻，坐免官。久之，行河南尹，尋卽眞。肅宗以沃野懷朔薄骨律武川撫冥柔玄懷荒禦夷諸鎮，並改爲州。其郡縣成名，令準古城邑。詔道元持節兼黃門侍郎，與都督李崇籌宜置立裁減去留，儲兵積粟，以爲邊備。未幾，除安南將軍，御史中尉。道元素有嚴猛之稱。司州牧汝南王悅，嬖近左右丘念，常與臥起。及選州官，多由于念。念匿于悅第，時還其家。道元收念付獄。悅啓靈太后請全之；敕赦之。道元遂盡其命。因以劾悅。是時雍州刺史蕭寶夤反狀稍露。悅等諷朝廷，遣爲關右大使。遂爲寶夤所害，死於陰盤驛亭。道元好學，歷覽奇書。撰注水經四十卷。本志十三篇。又爲七聘

及諸文。皆行于世。然兄弟不能篤穆；又多嫌忌；時論薄之。

李延壽北史酈範傳

酈道元附

酈範，字世則，范陽涿鹿人也。祖紹，慕容寶濮陽太守，以郡迎降；道武授兗州監軍。父嵩，天水太守。範，太武帝給事東宮。太武踐阼，追錄先朝舊勳，賜爵永甯男。以奉禮郎，奉遷太武景穆神主於太廟，進爵爲子。爲征南大將軍慕容白曜司馬；及定三齊，範多進策；白曜皆用其謀，遂表爲青州刺史，進爵爲侯，加冠軍將軍。還爲尙書右丞。後除平東將軍青州刺史，假范陽公。範前解州還京也，夜夢陰毛拂蹠。他日說之；時齊人有占夢者史武進云：「公豪盛于齊下矣！使君臨撫東秦，道光海岱，必當重牧全齊，再祿營邱矣！」範笑答曰：「吾將謂卿必驗此夢！」後果如言。時鎮將元伊利，表範與外賊交通。孝文詔範曰：「鎮將伊利，表卿造船市玉，與外賊交通。規陷卿罪，覲覲州任。有司推驗，虛實自顯。有罪者今伏其辜矣。卿其明爲算略，勿復懷疑！」還朝，卒京師。諡曰穆。子道元。

道元，字善長。初襲爵永甯侯，例降爲伯。御史中尉李彪，以道元執法清刻；自太尉掾，引爲治書侍御史。彪爲僕射李冲所奏，道元以屬官坐免。景明中，爲冀州鎮東府長史。刺史于勁，順皇后父也；西討關中，亦不至州。道元行事三年，爲政嚴酷，吏民畏之。後試守魯陽郡；道元表立庠序，崇勸學校。詔曰：「魯陽本以蠻人，不立大學。今可聽之，以成良守文翁之化。」道元在郡，山蠻伏其威名，不敢爲寇。延昌中，爲東荊州刺史；威猛爲政，如在冀州。蠻人詣闕，訟其刻峻；請前刺史寇祖禮，及以遣戍兵七十人送道元還京；二人竝坐免官。後爲河南尹。明帝以沃野懷朔薄骨律武川撫冥柔元懷荒禦夷諸鎮，竝改爲州；其郡縣戍名，令準古城邑；詔道元持節兼黃門侍郎，馳驛與大都督李崇籌宜等，立裁減去留；會諸鎮叛，不果而還。孝昌初，梁遣將揚州刺史元法僧又于彭城反叛。詔道元持節兼侍中攝行臺尙書，節度諸軍，依僕射李平故事。軍至渦陽敗退。道元追討，多所斬獲。後除御史中尉。道元素有嚴猛之稱，權豪始頗憚之；而不能有所糾正，聲望更損。司州牧汝南王悅，嬖近左右邱念，常與臥起

及遷州官，多由於念。念常匿悅第，時還其家。道元密訪知，收念付獄。悅啓靈太后，請全念身。有敕赦之。道元遂盡其命，因以劾悅。時雍州刺史蕭寶夤反狀稍露。侍中城陽王徽素忌道元，因諷朝廷，遣爲關右大使。寶夤慮道元圖己；遣其行臺郎中郭子帙圍道元於陰盤驛亭。亭在岡上，常食岡下之井。旣被圍，穿井十餘丈，不得水。水盡力屈，賊遂踰牆而入。道元與弟道（峻），二子，俱被害。道元瞑目叱賊而死。寶夤猶遣斂其父子，殯於長安城東。事平喪還，贈吏部尚書，冀州刺史，安定縣男。道元好學，歷覽奇書。撰注水經四十卷；本志十三篇；又爲七聘及諸文，皆行於世。然兄弟不能篤睦，又多嫌疑；時論薄之。子孝友襲。

水經注異聞錄 李廷壽北史顧歡傳解道元附

水經注異聞錄

黃陂任啓珊松如編輯

總目

敘

魏收魏書酷吏列傳酈道元傳

李延壽北史酈範傳(酈道元附)

卷上篇目

一	千子	六	青牛	一一	當死
二	戰水	七	爰劍	一二	天馬
三	拜泉	八	青羊	一三	雲中
四	龍溜	九	金馬	一四	殿碑
五	伏羌	十	黃龍	一五	君子

水經注異聞錄 總目

一